



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Glodesindis V. 25. Iulij.

**urn:nbn:de:hbz:466:1-42032**

gni laboris maximum nulum. Certè CHRISTVM per Lyciam circumtulit, cum, ut auctor S. Ambrosius est, hominum millia IV. supra XL. ferre CHRISTI jugum docuit. Virgam manui familiarem cum ad concionem dicturus aliquando humi defixisset, confestim frondere vidit, & miraculo etiamnum pictores favent. Sed & ad tribunalia tulit CHRISTVM. Captus enim & in vincula coniectus, Decio imperante, immittas ad se geminas & perfrictas frontis mulierculas à Venere ad CHRISTVM perduxit, cui etiam sanguine suo mox litarunt. Ipse candentem ab igne galeam indutus & in ferreum, cui flammæ suberant, lectum abjectus dormire scilicet suaviter in his tormentis visus est. Indè jaculis militum stetit expositus, ingens meta, sed prorsus innoxia. Quid? quòd aiunt sagittam reversam domini sui oculo perniciem attulisse, & medicinam eidem CHRISTOPHORI sanguinem fuisse, qui tandem cervices gladio fortiter dedit, quod unum restare videbatur, ut humilem cæli portam tam magnus subire posset. *Ex Sur. & Lippel.*

*Beata anima, qua thalamum suum diligenter ac decenter adornat, ut cum digno ac placito Christum regem honore suscipiat. O anima, considera, qua sit illa Majestas suscipienda: cogita quâ curâ te illi preparare locum oporteat. Guerricus serm. 3. de Pontific.*

S. GLODESINDIS V. 25. Julij.

**F**Rustra estis DEI rivales homines. Nemo Christo Sponsam suam eripiet, quando contra hæc pugnat, & propugnat ille pugnans. id quod GLODESINDIS virgo jam olim fecit manifestum. Natam in principe familiâ domum ducet

Q 2

lat



bat ex parentum, non virginis, voluntate, Obolenus homo non tam sanguine, quam sceleribus nobilis, cum ecce rege iubente nuptialis pompa in funebrem abit, & hujus imperio Obolenus in carcerem, non thalamum ducitur, sceleris convictus, mortem subit, non lectum; lessum audit, non Hymenæum. Vix hanc pugnam castitas pugnavit, cum altera excipit victricem. Despondent iterum homini GLODESINDEM, & melioribus jam, ut ipsi putabant, auspiciis. Quid ageret pudor bis proditus? more Parthi fugiendo vincit, ad D. Stephani contendit asylon, aramprehendit, & quem unum deperibat, Sponsum LESVM complectitur. Hederam viti illigatam dixisset. Et jam septimus dies ierat, & virgo celi deliciis plena non senserat famem, cum apparantur palam & in conspectu populi nuptie placitura tandem ipsi etiam virgini. Adsunt è celo nitidissimi duo Ephebi Paranymphe, tertius flammeo inde etiam allato non repugnantem obnubit, jamque urbe attonita, jam parentibus etiam gaudentibus, GLODESINDIS in thalamum suum (Virginum Collegium) abducitur. Ex Surio.

*Cura habere lilia penes te, si vis habere Deus habitatorē liliorum habitantem in te. Opus tuum, studium tuum, desiderium tuum lilia esse protendantur moralis quidam rerum ipsarum candor atque odor. S. Bern. serm. 71. in Cant.*

## S. SIMEON CONF. 26. Iulij.

**M**UNDUM omnem suis beneficiis obambulare voluisse SIMEON videtur, etiam postquam exivit è mundo, & vel inter Monachos vel Eremitas vixit. Inter hos agenti cum fames ultima mina-